



ԵՐԿՐԻՇԱԲԹԻ, 19 ՌԵԿՏԵՄԲԵՐ, 2011

ՏԵՐՈՒՆԱԿԱՆ ԱՊՈԹՔ

(միասնաբար արտասանուած)

Իմաստութիւն Հօր Յիսուս, Կուր ինձ իմաստութիւն կբարիս խորհել եւ խօսել եւ գործել առաջի քո յամենայն ժամ. ի չար խորհրդոց, ի բանից եւ ի գործոց փրկեա կիս. եւ ողորմեա քո արարածոց եւ ինձ բազմամեղիս: Ամէն:

ՍԱՂՄՈՍ 9

ԳՈՂՈՒԹԻՒՆ ԱՍՏՈՒԾՈՅ ԻՐ ԱՐԴԱՐՈՒԹԵԱՆ ՀԱՄԱՐ

Ամբողջ սրտովս գոհութիւն պիտի մատուցանեմ քեզի, Տէր, եւ քու բոլոր սքանչելի գործերդ պիտի թուեմ:
Քեզմով պիտի ուրախանամ ու ցնձամ,
եւ ներբողեմ քու անունդ, ո՛վ Բարձրեալ:
Տէրը ինք ապաւէն պիտի ըլլայ անիրաւուածին,
ապաստան պիտի ըլլայ նեղութեան ժամանակներուն:
Անոնք որ քեզ կը ճանչնան, ո՛վ Տէր, քեզի պիտի վստահին,
որովհետեւ դուն չես լքեր անոնք որոնք քեզի կը դիմեն:
Ներբող երգեցէք Տիրոջ, որ Սիոն կը բնակի,
բոլոր ազգերուն մէջ պատմեցէք անոր գործերը.
որովհետեւ ան՝ որ բոլոր ոճիրներուն համար հաշի կը պահանջէ՝
յիշեց փառապողները, չմոռցաւ անոնց աղաղակը:
Ողորմէ ինձի, Տէր,
քե՛ն թէ ի՛նչ խեղճ վիճակի մատուցայ թշնամիներուս կողմէ,
դուն՝ որ զիս մահուան իշխանութենէն դուրս բերիր,
որպէսզի քու գործերուդ օրհներգութիւնը կատարեմ՝
Սիոն քաղաքին մէջ, քու ժողովուրդիդ դիմաց,
եւ պարգեւած փրկութեամբդ ցնձամ:

ՇՈՒԿԱՆ-ԱՊՈԹՔ

Տէր ողորմեա, Տէր ողորմեա, Տէր ողորմեա, Տէր ողորմեա:
Ամենատուրք Երրորդութիւն, տուր աշխատհիս խաղաղութիւն:
Եւ Հիւանդաց բժշկութիւն, ննջեցելոց արքայութիւն:
Արի Աստուած Հարցն մերոց, որ ապաւէն ես նեղեցոց:
Տէր ողորմեա, Տէր ողորմեա, Տէր ողորմեա,
Յիսուս Փրկիչ մեզ ողորմեա:

ԱՊՈԹՔ

Տէր, դուն՝ որ մեր ցաւերը կը բժշկես,
սրտաբեկները կ'առողջացնես, նեղեալները կը հանդարտեցնես,
կատուածները կ'արձակես, սգաւորները կը մխիթարես,
անյոյսներուն յոյս կու փաս, խռովածներուն՝ հանգիստ,
եւ յոգնածները նաւահանգիստ կը հասցնես,
դուն՝ որ սիրով կը նայիս քու արարածներուդ
եւ քու քաղցրութեամբդ կը կերակրես բոլորը,
մեզ ալ մխիթարէ ու կերակրէ, ու մեր բոլորի ցաւերը բժշկէ
եւ մեզ հասցուր յաւիտենական կեանքի ժառանգութեան: Ամէն:

ՕՐՈՒՄՆ ՆԻԺԹ
ԱԲԵՏԱՐԱՆ ԸՍՏ ՄԱՏԹԷՈՍԻ
Գլխ. 15:29-39

ՅԻՍՈՒՍ ՇԱՏԵՐ ԿԸ ԲԺՇԿԷ (15.29-31)

- Քրիստոս պատրաստ է երկար ճամբորդություններ կատարելու որպեսզի բժշկե: «Ես չեկայ առողջներուն համար, այլ՝ հիւանդներուն»: Որովհետեւ Ան գիտէ հոգիին արժէքը:
- «Լեռ ելլելով՝ հոն նստաւ», որպէսզի բոլորը զինք տեսնեն եւ իրեն գան: «Ոչ ոք ճրագը կը վառէ եւ կը պահէ կաթսայի տակ. ընդհակառակը, զայն աշտանակի վրայ կը դնէ, որպէսզի տունին մէջ գրնուողներուն լոյս տայ» (Մատթ 5:15):
- Ահաւասիկ Քրիստոս պատրաստ է բոլորը բժշկելու, հոգ չէ թէ բազմութիւն է. հոգ չէ թէ քարքեր տեսակի հիւանդություններ են: Այնքան արեւն որ հաւաքով կը դիմենք Իրեն, Ինք պատրաստ է մեր բոլորի ցաւերը իր վրայ առնելու եւ մեզի հանգիստ շնորհելու:
- Այսօր ալ կրնայ ըլլալ, որ ֆիզիքապէս կաղ, կոյր, համր կամ հաշմանդամ չենք, եւ չունինք ֆիզիքական այլ հիւանդություններ, սակայն մեղքը կրնայ պատճառ ըլլալ մեր հոգին, շեղած կրնանք ըլլալ Տիրոջ ճանապարհէն, կուրցած մեր սիրտն ու միտքը՝ չկարենալ տեսնելու համար Տիրոջ լոյսը. փակած մեր բերանները՝ չկարենալ պատմելու համար Տիրոջ սքանչելիքները: Հետեւաբար, եկէք մենք զմեզ Տիրոջ ոտքերուն առջեւ դնենք եւ Յիսուս ամբողջովին եւ առանց հարցութեան՝ կատարելապէս պիտի բժշկէ մեզ բոլորս:
- Ահաւասիկ, բժշկուողները հրեաներն չէին, այլ՝ հեթանոսներ: Եւ ահա կ'իրականանայ Եսայի մարգարէի կողմէ ըսուած խօսքը. «Այն արեւն կոյրերուն աչքերը պիտի բացուին, եւ խուլերուն ականջները պիտի բացուին: Այն արեւն կաղը եղջերուի պէս պիտի ոստնու, ու համրին լեզուն պիտի օրհնէրգէ» (Ես 35.5-6):
- Ի տես այս բոլորին ներկաները «կը փառաւորէին Իսրայէլի Աստուածը»: Հրաշքի մը կատարումը փառաւորման առիթ պէտք է հանդիսանայ բոլորիս համար, եւ ողորմութիւնը, որ հոգիները կ'որախացնէ՝ զԱստուած գոհաբանելու առիթ:

ՉՈՐՍ ՀԱՉԱՐԻՆ ԿԵՐԱԿՐՈՒՄԸ (15.32-39)

- Մէկ այլ ուրիշ դէպք կատարած կերակրումի: Առաջինի պարագային հինգ հազար հոգիներ կը հաշուէր, իսկ հիմա չորս հազար:
- Անցեալ դրուագի պարագային, ուրողները մեծ մասամբ հրեաներ էին, իսկ այս պարագային մեծ մասամբ՝ հեթանոսներ:
- Առաջին իսկ արտայայտութիւնը Քրիստոս կը գրայ ներկաներուն վրայ: Յոյց կու տայ Քրիստոսի սերը հանդէպ մարդ արարածին:
- Նախքան հրաշք գործելը՝ Յիսուս իր նպատակը, ծրագիրը կը յայտնէ առաքելներուն, իրենց ալ իր Աստուածային գութին տեսնելու ու մասնակից կը դարձնէ: Եւ ասիկա կ'ընէ, ոչ թէ որպէսզի անոնք Յիսուսի իրենց խրատը կամ գաղափարը տան, այլ որպէսզի անոնց սորվեցնէ ու փոխանցէ նոյն այն սերը՝ որ ինք ունի մարդոց նկատմամբ: Եւ Յիսուս անոնց ծառայ չի կոչեր, «որովհետեւ ծառան չի գիտեր թէ ինչ կ'ընէ իր տերը. այլ՝ ձեզ բարեկամ կոչեցի, որովհետեւ ինչ որ Հօրմէս լսեցի՝ ձեզի յայնեցի» (Յհ 15.15):
- Առաջին հերթին մենք նախ փնտռենք Աստուծոյ խօսքը եւ արքայութեան հապուցումը, Աստուած մնացեալ միւս կարիքները աւելիով պիտի տայ մեզի (6.33):
- Աշակերտները, անապար, անբնակ տեղ ըլլալով, եւ նաեւ բազմութիւնը տեսնելով, մտախոհուած էին ու կը հարցնէին «Հիմա ամայի այս վայրին մէջ ուրկէ՞ այսչափ բազմութիւն կշտացնելու չափ հաց գրնենք»: Մովսէս ալ անցեալին, ի տես ժողովուրդի բազմութեան, Աստուծոյ հարցուցած էր՝ «Անոնց բաւելու համար՝ միթէ բոլոր ոչխարներն ու արջամները պիտի մորթուի՞ն. կամ ծովուն բոլոր ձուկերը պիտի հաւաքուի՞ն՝ անոնց բաւելու համար» (Թւ 11.12): Իսկ Աստուած կը պատասխանէր անոր ըսելով՝ «Միթէ Տիրոջ ձեռքը փկարացա՞ւ» (Թւ 11.23): Մենք ալ այսօր յաճախ կը յուսահարինք, կը յանձնուինք, երբ դժուար կացութիւններու դէմ յանդիման կը գրնուինք: Աշակերտներուն նման յաճախ մենք ալ կը մոռնանք Աստուծոյ նախախնամութիւնը եւ անցեալին մէջ Աստուծոյ մեզի կատարած հրաշքներն ու բարիքները: